

Optimà la colliaziun en las regiuns periferas

Urari da traffic 2018

DA GION NUTEGN STGIER / ANR

■ **Il suentermezdi en trais uras da Turitg a San Murezzan, la saira tard da Cuira a Mustér e la damaun baud da Tavau via Lai fin Cuira. Quai trais da las novas purschidas cun midar l'urari da traffic ils 10 da december.** Sco usità mida er quest onn l'urari da viafier, posta e bus duas emnas avant Nadal. A partir dals 10 da december cursescha il traffic public tenor il nov urari. Ier han l'Uffizi d'energia e da traffic dal Grischun, Auto Da Posta Grischun, la Viafier retica e Cuira Bus preschentà als meds da massa las midadas principalas dal traffic public en noss chantun. A pled è vegnids *Erich Büsser*, il manader da l'Uffizi chantunal d'energia e traffic, *Renato Fasciati*, il directur da la Viafier retica, *Riet Denoth*, Auto Da Posta Grischun e *Ralf Kolleger*, il mainagestiu da Cuira Bus.

In tren supplementar da Turitg a Cuira Erich Büsser ha ditg ch'il chantun tshertgia en collavuraziun cun la confederaziun e cun las organisaziuns da traffic d'optimar tant sco pussaivel las colliaziuns dal traffic public. Dad onn tar onn duaian las colliaziuns daventar pli attractivas er per promover il traffic public, ha punctuà Büsser. Uschia cursescha dal glindesdi fin il venderdi a las 17.07 da nov in InterCity davent da la staziun principala da Turitg fin Cuira, cun colliaziun per San Murezzan, per Tavau e per la Surselva. Uschia exista tranter las 15.37 e las 18.37 il tact d'ina mes'ura nuninterrut da Turitg en il Grischun. Cun l'introducziun da l'InterCity èsi

pussaivel da far il viadi da Turitg a San Murezzan via il Vereina en be trais uras.

Da Glion a Mustér cun l'auto da posta La Viafier retica augmenta la purschida da ses urari sin differentas lingias. En direenziun d'Arosa e da la Surselva serra la midada da l'urari largias existentas en il tact. En direenziun da Mustér po uschia vegnir purschì da nov il tact dad in'ura nuninterrut tranter las 06.00 e las 23.00 cun ina purschida supplementara da mes'ura durant ils temps da grond traffic. Da nov parta da Cuira en direenziun Glion in tren a las 21.59 e per cuntanscher Mustér han ils passagiers da cuntinuar il viadi cun l'auto da posta.

Da Landquart en direenziun Engiadina Tranter Landquart e l'Engiadina cursescha da glindesdi fin venderdi in tren supplementar en tuttas duas direenziuns. Las partenzas èn a las 18.20 davent da Landquart sco er la damaun a las 04.54 davent da Samedan cun colliaziun davent da San Murezzan. Tras la prolungaziun dals dus ultims trens da Razén a Tusaun survegn la Tumleatga ina meglra colliaziun durant la saira. Da nov pon ins cuntanscher Tusaun davent da Cuira a las 21.56 ed a las 23.15 senza stuair midar tren. La stad 2018 vegnan manads singuls trens cun cumposiziuns nostalgicas tranter Tavau e Filisur. Da quests trens pon ins far diever cun bigliets normals.

Mintga 30 minutas da Cuira a Flem La midada la pli impurtanta sin la rait da l'auto da posta è l'introducziun dal tact

d'ina mes'ura nuninterrut da glindesdi fin venderdi sin la lingia Cuira–Flem–Laax. «Il 2013 avain nus introduci il tact da 30 minutas da Cuira a Lai e mintg'on augmentà il dumber da passagiers», ha ditg Riet Denoth d'Auto Da Posta Grischun. El è persvas che cun quella nova purschida sin il tratg da Cuira a Flem suc-

cedia quai er. Ultra da quai vegnan en Surselva prolungadas las uras da manaschi d'intginas lingias da bus la saira. Sin la lingia d'auto da posta Tavau–Lai–Cuira cursescha ils lavurdis la damaun in curs supplementar en tuttas duas direenziuns (partenza da Tavau a las 05.05, partenza da Cuira a las 06.50).

Tariffas da notg svaneschan Il supplement da notg vegn abolì en l'entir Grischun. Tranter las colliaziuns da di e da notg n'existan pli naginas differenzas da tariffa. Da nov pon ins far diever da tut las purschidas da saira e da notg cun tut ils bigliets valaivels (inclusiv Büga ed abunament general) senza stuair pajar in supplement.



		Gleis	Hinweis
	Nach	11	ca. 6 Min später
RE	09.56 Ilanz Disentis/M.	10	ca. 6 Min später
IR	09.58 Samedan St. Moritz	4	
S12	10.01 Landquart Sargans	2	
R	10.08 Chur Stadt Lüen-C. Arosa	11	
S1	10.08 Chur West Rhäziuns	9	
IC	10.09 Landquart Zürich HB	5	
RE	10.12 Landquart Rorschach Wil	7	
RE	10.16 Landquart Zürich HB	12	
RE	10.21 Landquart Scuol-T.	4	
S12	10.31 Landquart Sargans	8	
ICE	10.39 Zürich HB Hamburg	13	
S2	10.48 Chur West Felsberg Thusis	12	
S1	10.53 Wiesental Landquart Schiers		

Da nov vegn introduci in tren InterCity da Turitg a Cuira cun partenza a Turitg a las 17.07.